



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Rubricis generalibus Horarum Canonicarum. I.

**urn:nbn:de:hbz:466:1-39775**

## SECTIO TERTIA. DE RUBRICIS.

### Novæ Observationes, & Additiones ad Gavanti

#### Cap. I. De Rubricis generalibus Horarum Canonicarum.

Gavant. pag. 15. col. 2. num. 1. -- *De voce, Rubrica, alibi diximus &c.*) Nos quoque Gavanti vestigis insistendo de voce Rubricæ, & de aliis ad Rubricas spectantibus tomo 1. locuti sumus, præsertim initio nostr. Observat. in Rubricas Missalis, & in nostris Additionibus ad Tit. XI. tertie partis ejusdem Tomi superioris.

In sequenti Cap. progreditur eam Provinciam, quam merito suam appellat, explicandi nimis in specie Sacras Leges seu Rubricas Breviar. quarum Textum placuit nobis hic apponere ad majorem Lectorum commoditatem, ut facilius ob oculos habeant legem, novasque nostras ad eandem Observations, & Additiones.

### RUBRICÆ GENERALES BREVIARII.

#### De Officio Duplici. I.

**1** Officium fit Duplex in diebus à Feria quinta in Cœna Domini, usque ad Feriam tertiam Paschæ inclusivè, in Dominica in Albis, in Ascensione Domini, in Dominica Pentecostes, & duobus diebus sequentibus: in Festo Trinitatis, Corporis Christi, & Dedicationis propria Ecclesie: in Festis, quibus in Kalendario apponitur hac vox Duplex: in die oct. Festi habentis oct. in Festo Patroni unius vel plurium aliquius loci, vel Titularis Ecclesie: & in Festis Sanctorum, qui apud quasdam Ecclesias, Religiones, vel Congregationes consueverunt sollemniter celebrari, cum Officiis propriis à Sede Apostolica approbatis, aut ex ejusdem Sedis auctoritate receptis, vel recipiendis (servata tamen forma hujus Breviarii) alioquin de Communi, etiam si prædicta Festa in hoc Kalendario non sint descripta. Prætereà Officium fit Duplex pro Defunctis in Commemoratione omnium fidelium Defunctorum & in die obitus, seu depositionis Defunctorum, ut in eodem Officio dicitur, circa finem Breviarii.

**2** Festum Duplex celebratur eo dic, quo cadit, nisi illud contingat transferri, ut dicitur in Rubrica de Translatione Festerum.

**3** Habet primas, & secundas Vespertas integras, nisi cum alio simili concurrat, ut dicetur in Rubr. de concurrentia Officii: & totum Officium fit de Duplici, incipiendo à primis Vespertis usque ad Completorium sequentis diei, inclusivè, nisi aliter in primis licet assignetur. Officium autem Defunctorum habet tantum primas Vespertas, Matutinum, & Laudes, ut circa finem Breviarii ponitur.

**4** In utrisque Vespertis, Matutino, & Laudibus tantum, non autem in aliis Horis duplicantur Antiphonæ, id est, integræ dicuntur in principio, & in fine Psalmorum.

D 2

5 Ad



- 5 Ad Matutinum regulariter dicuntur tres Nocturni, cum novem Psalmis, & totidem Lectionibus, hoc est, in unoquoque Nocturno tres Psalmi, & tres Lectiones, praeterquam in Paschate Resurrectionis, & Pentecostes cum duobus sequentibus diebus, in quibus dicitur unum tantum Nocturnum cum tribus Psalmis, & totidem Lectionibus, ut ibidem ponitur.
- 6 Preces ad Primam, & Completorium, & Suffragia de S. Maria, Apostolis, & Pace ad Vesperas, & Laudes, non dicuntur in Officio Duplici, ut etiam in propriis eorum Rubricis dicetur.
- 7 Quomodo sit ordinandum Officium Duplex in Vesperis, Matutino, & ceteris Horis: similiter & de Antiphonis, Responsoriis, Versibus, Capitulis, & aliis in eo dicendis, habentur inferius de singulis propria Rubrice.

## Novæ Observationes, & Additiones ad Gavanti

### Cap. II. De Duplici Officio.

I. Gavant. pag. 16. col. 2. num. 2. -- Significat, Antiphonas in Officio duplicari &c.) Joannes Fronto in Kalendario nongentis annis antiquiore à se evulgato §. XI. adstruit, quod antiquitus Sancti, qui in Kalendario locum habebant, alii Festo simplici, alii duplice colebantur, & opinatur, hanc fuisse primam dierum Festorum divisionem, quam ex suo Kalendario sic definit -- Cùm unica Missa, & unicum Officium notatur, Festum dicebatur simplex, sed cùm duplex Officium, & duplex Missa, vel etiam plures, dicebatur Festum duplex, cui sententiæ adstipulatur etiam Grancolas lib. I. cap. 44. Comment. historic. in Breviar. Roman. sed Guyetus lib. 2. fest. 3. c. 9. qu 2. acerrimè refellit latitudi Frontonis sententiam, ex quo septies dumtaxat in dicto Kalendario reperitur, ut duplex sic Officium, ac Missa prescribatur, unde septem dumtaxat fuissent tunc Festa duplicita, que recenset idem Guyetus, nec ea quidein Sanctorum majorum, qui aliis dignitate, seu celebritate præstant, ut facile apparebit Festa illa cum aliis comparanti. Immò addit Guyetus, quod in eodem Kalendario Frontoniano juxta dictam opinionem nec duplicita fuissent Natale Domini, Natale Sancti Stephani, Natale S. Johannis &c. Id

quod tamen nemo sibi persuadere poterit, vel enim nota illa fuit majoris, seu excellentioris celebritatis, vel non; si fuit, inquit planè est, eam minoribus Festis tribui, & majoribus denegari; si non, quomodo ex tali nota potest erui origo ejus instituti, quod perpetua traditione usui fuit in Ecclesia Romana ad indicandam majorem certorum Festorum præ aliis celebritatem? Hæc Guyetus loco citato subiectens vocem hanc duplex, cuius vis, & origo nunc quæritur, non numerantis, sed extollentis esse, ad exprimendam videlicet digniorem Officii qualitatem; At juxta Frontonis mentem hoc tantum indicabat, duo una die fieri Officia, alterum de uno Sancto, alterum de alio eadem die occurrente, seu ut conjicendo pergit dicere, alterum de Feria, vel de Festo Martyris, alterum de Festo Confessoris: quod utrumque Officium vitandæ prolixitatis gratia, primo omisso, aut sola commemoratione transacto, in unum deinceps coalusse asseruit; illud brevius, aut pauciora complectens, quippe quod præter Antiphonas nihil conduplicatum haberet; alia etiam addit Joannes Fronto, quæ tamen confutantur à Guyeto, adstruente, modum ratiocinandi Frontonis esse prorsus alienum à vera, & germana